

溫州經籍志

溫州經籍志卷三十

瑞安

孫詒讓 編

集部

別集類

國朝

周氏

家偉

水中鴈字詩

羅陽詩始一府志二十詩下

乾隆溫州有集字

未見

乾隆溫州府志二十周家偉生平多所著作因兵燹散失今僅存水中鴈字詩集行世

羅陽詩始一周主政舉於鄉後五年而明社遂屋所著有水中鴈字詩三十首其音哀以思蓋以亡國之遺響也

案周主事家偉雍正泰順縣志宦業傳有傳

梅氏

調元

霽月軒集

華萼樓集

乾隆溫州府志二十七作詩集

佚

金陵游草

華萼樓集

佚

周天錫梅贊臣墓誌銘神廟戊午城南有七子社七子者建侯明止善長若冲玄抱某某及贊臣也贊臣所箸有霽月軒集金陵游草行世

華萼樓集

集

案梅訓導調元乾隆溫州府志乾隆永嘉縣志文苑傳並有傳

贊臣爲順治辛卯貢士

見墓誌府縣志選舉門作康熙歲貢誤也

其得貢在林雪菴

夏逸民後

雪菴爲弘光乙酉貢生亦見周樛菴所作墓誌府縣志選舉門附崇禎未誤

然據周誌則

贊臣在天啟初已以詩名於雪菴實爲先輩故移箸林前庶論

世者可攷焉

林氏占春

合山詩集

華萼樓集 東歐詩存
三十一作雪菴詩集

佚

甌江詩選

華萼樓集

佚

花閒集

乾隆溫州府志二十七

佚

周天錫林梅生墓誌永嘉以詩名者天啟初則陳沈鬱稱子建侯張子明止梅子贊臣余同時則林子梅生王子篤蕃李子穎少林子弱仙家弟炤如而贊臣梅生爲最贊臣體備三唐而一以清真出之華而不靡宛而不匱學者推正始焉則贊臣而建騷壇旗鼓者其梅生乎梅生之詩醕雅秀整堅古沈鬱稱名廣而用物弘取資平而原本厚其研深說慮朝誦夕吟蓋五十年於茲宜其韻叶宮商步中繩矩無毫髮遺恨也

所著合山詩集甌江詩選若干卷藏於家

華萼樓集

夏氏 大揮 閒園詩草

羅陽詩始一

未見

羅陽詩始一夏大揮字逸民宏光副貢著有閒園詩草

陳氏 光前 吹蘭集

乾隆溫州府志二十七

佚

包氏 文檀 致遠軒集

東甌詩存三十二
甌乘補八集作選

未見

甌乘補八祥積寺竺隱菴大定菴古竹林院並見包文檀致遠軒詩選

案包零陵文檀永嘉人乾隆溫州府志仕績傳有傳

王氏 祚昌 珠樹堂文集

一冊

闕遜學齋
藏鈔本

案王名翼珠樹堂集原稿不知若干冊今所見殘本一帙詩文皆編年彙次塵存崇禎庚辰至癸未四年之作其入國朝以後詩文並已散佚冊首題易菴學人王祚昌名翼父箸門人周天鏡炤如父錄蓋周非臺所編寫也易菴在明季頗擅文名李素園維樾周恥菴應期諸人交相推重今集中尙存與素園往還書柬及代恥菴所作文數篇然其文皆喜爲疏快隨意所如多傷淺易詩亦粗厲無復白鹿詩社之遺響蓋易菴講學頗近李贄一派詩文非所畱意此集又係拉襍稿本未經刪定故合作殊尠也

謝氏包京
兩鴈山人集

十二卷

謝天埴先考坦齋府君行畧

未見

列仙咏

乾隆永嘉縣志二十三

佚

案謝陽武包京雍正浙江通志乾隆溫州府志乾隆永嘉縣志

義行傳並有傳

陳氏

邦紀

星聚堂集

東甌詩存三十二

佚

案陳諸城邦紀乾隆溫州府志乾隆永嘉縣志循吏傳並有傳

支氏

時英

燕謀集

乾隆溫州府志二十七

佚

道光樂清縣志十順治府學歲貢支時英

王氏

會昌

榴夢草

東甌詩存三十一 乾隆溫州府志七 嘉慶瑞安縣志九 榴並作籀

佚

東甌詩存三十一王會昌字立錫祚昌弟順治歲貢著有橘夢草

趙氏

紹鼎

薄游詩稿

華萼詩稿

佚

周天錫趙雲汾墓誌銘君歿方子廷芬哭之慟君雅慕古文詩歌文宗韓柳詩彷彿長吉玉川所撰著不自珍惜廷芬從其敝簾中葺之而薄

游詩稿百十首竟不存

華萼樓集

案雲汾趙歲貢紹鼎乾隆溫州府志乾隆永嘉縣志文苑傳並有傳

王氏

乾亨

澹寧居集

乾隆溫州府志二十七

佚

案王處士乾亨乾隆溫州府志乾隆永嘉縣志義行傳並有傳

侯氏

思炳

漁村詩集

東甌詩存三十五 乾隆溫州府志二十七作侯嗣宗詩集

未見

乾隆溫州府志二十侯思炳卜築漁村以居顏曰漁村小隱沒後韓令君則愈梓其遺詩傳於世

甌乘補七侯嗣宗樂清詩人箸漁村詩集嗣宗死貧不能具棺殮其家人持一硯鬻於市翼有售之者楊衡子聞而哀之爲之畢喪事詩文書畫皆卓然可傳獨以性不諧俗多爲人所怪卒至於無所遇而貧病以死哀哉

原注韓則愈漁村集序

案漁村侯處士思炳乾隆溫州府志乾隆永嘉縣志隱逸傳並有傳

王氏

爾椒

岳心堂集

乾隆溫州府志十九

佚

乾隆溫州府志十九萬厯庚子舉人王昌祚永嘉人海陽令子爾椒名
士有岳心堂集 二十梅調元與林占春李元發王爾椒林健號永嘉
五子

東甌詩存三十二王爾椒字篤蕃號忝生永嘉人五子之一

張氏

采齊

塘上草

乾隆溫州府志二十七

佚

東甌詩存三十一張采齊字天根永嘉人

案張天根事蹟無攷詩存載其詩有冬日晤王篤蕃一篇則其
人與王爾椒同時今埒於此

林氏

健

冰壺閣草

乾隆溫州府志二十七

佚

湖上草

華萼樓集

佚

周天錫林弱仙墓誌銘君諱健字弱仙世居永嘉巾子河九歲能讀書十六入郡庠二十食廩既聲名噪黌序閒晚游西湖簪湖上草歸而病隔自知不起乃命門人寫所爲詩稿遺余

華萼樓集

東甌詩存三十二林健字子強永嘉人五子之一

釋

彬遠

村居以後詩

甌乘補六

三卷

甌乘補六

未見

徐逢吉清波小志上學士橋側有笑隱菴老僧笑魯者居之予童時及見其人自言從董宗伯其昌陳徵君繼儒游其徒彬遠奕是俱能詩彬遠別字秋蟾詩尤超縱大有青蓮長吉風味

兩浙輶軒錄三十九彬遠字秋蟾號嘯翁永嘉人杭州東郊栖禪院僧

甌乘補七按碧溪詩話嘯翁所著詩刻以流傳者有村居以後詩三卷

楊氏兆岳春草詩集

佚

閑園文稿

乾隆永嘉縣志二
十三題梅兆岳

佚

東甌詩存三十二梅兆岳字鍾五永嘉人

案楊鍾五事跡無攷東甌詩存載有送法幢大師之大梅并游
台宕詩法幢爲林詹事增志法號則鍾五蓋順治間人

林氏

齊鑑

荻齋集

東甌詩
存三十

佚

東甌詩存三十二林齊鑑字覺侯瑞安諸生著有荻齋集

案林覺侯事跡無攷乾隆溫州府志二十載林詹事增志子齊

鐸州同知則覺侯疑亦詹事諸子行也徐丞子泉村集選亦有

林覺侯招飲峙巖寺詩

李氏

敷

半齋紀游詩草

東甌詩存
三十三

佚

東甌詩存三十三李敷字長陽瑞安諸生著有半齋紀游詩草

案李半齋事跡無攷東甌詩存三十二載林覺侯有寄李長陽

年兄詩今附於此

徐氏

凝

泉村集選

東甌詩存三十三作泉村集乾隆溫州府志二十七作泉村詩集今從刊本

一卷

存

康熙乙丑刊本

家丞子兄少聰悟生而知學六經探百氏刻苦性行與古爲徒研幾聖人之道卓然自得好秉高節軒髯營目意無可一世早負詩名能自關

其門戶精神心腕旣恣其頰仰磅礴極奇崛雄險犇放之致觸於山川
日星雷雨草木鳥獸之變激昂頓挫發而爲言崢嶸歷落不可名狀晚
年窮益奇詩益豪操益堅煨破釜於敗屋之間甘惡衣食造次不移其
守惜乎未果其志而天奪之壽余思古今人傑遇與不遇有數存焉擬
其所存得與少陵長吉輩頡頏上下或不磨滅故向兄之廢簾中出其
生平所箸商摧什以一而付之梓使後世知吾家有抱道苦節能詩得
風人之旨者如此卽兄不遇而遇也康熙乙丑仲冬朔日弟日久頓首
書於一涉園中

予嘗與周子懋寵論詩謂不當僅作七律卽七律矣亦不當僅平庸穩
貼彷彿咳於五夜漏聲否則盧玉川月蝕詩不應登唐人之席懋寵頗
許予言今讀徐子幼發詩益快然於衷也徐子家奇貧遇極艱顧遘絕
世姿作配川原盜起懷中揣所著詩而約其婦於背宛轉伏匿山谷中

婦竟困躓以病俛香爇玉罹荀令憾乃益罄其悲憤於詩以故篇中奇詭恣肆長吉鬼青蓮仙合併而出讀者舌咋矣夫詩盛於唐耳非唐可槩詩也奉高曾遵矩矱於高廷禮諸人遂若舍唐無詩舍七律無唐幾令得天獨厚者頽頽而就束縛稍騁則訶以中晚詆以宋元吾願亟取唐大家全集餌之藥之正不必遠舉漢魏騷選三百篇矣予持此說要以人各有才旣注於詩則當盡其才於詩不當復有所慙令詩與才各餘一分際千載以還有冒盡其才者必將出吾之上則文士之峰頂弗登噫嘻非周徐二子誰與歸皆康熙戊申重陽前一日社弟李象坤頓首拜譔

乾隆溫州府志二十徐凝生平多著作以家貧乏嗣散佚不可勝紀所存者僅得一百五十篇名泉村集雄博研鍊體極蒼老

案泉村徐處士凝乾隆溫州府志乾隆永嘉縣志文苑傳並有

傳泉村集選徐日久所選梓

日久字子長集中有早秋集一涉園贈子長弟詩

凡古今

體詩百四十九

府志文苑

篇誤

據日久敘蓋塵原稿之十一耳

泉村身丁革代備歷艱苦此編篇什不多而憂時傷亂之言居其大半然其詩格頗高無明季佻薄之習樂府古詩託事興懷導原風雅迥異摹擬塗澤律詩風骨高秀頗近盛唐秋懷七律十首尤爲絕唱國初吾鄉諸詩人莫能埒也

王氏詠

竹居集

華萼樓集

東甌詩存

三十四作竹居詩集

未見

周天錫題詞川子丰神似逸少而詩句又似右丞一種清新秀逸之氣撲人睂宇由其襟懷灑落絕無人世齷齪腆倨之態故發而爲詩如清泉瀦石如秋月映潭唯其有之是以似之也夫清新俊逸成一家言是矣猶非其至曷至乎曰眞曰澹曰鈔曰立

華萼樓集

乾隆溫州府志二十王至堯子詠邑庠生孫灃孫國學生俱以詩名有
居竹集自怡集諸刻

東甌詩存三十四王詠字川子永嘉諸生著有竹居詩集

釋超谿
小若巖集

十卷
阮元兩浙輶軒錄

未見

鋤餘草
華芻樓集

佚

周天錫引益余讀漢劉章傳異之得四句偈朱虛行酒太后前拔劍誅
呂歌耕田立苗欲稀非種去更於何處覓安禪偶閱睂光鋤餘草悠然
有會遂書以歸之

華芻樓集

兩浙輶軒錄三十九超谿字睂光號閒菴永嘉僧著有
小若巖集十卷